

## **6. IGICE CYA GATANDATU: IMIGENZURIRE Y'IMITERERE Y'IBINYABIZIGA**

### **6.1. UMUTWE WA MBERE: IKIGO GISHINZWE IGENZURA RY'IMITERERE Y'IBINYABIZIGA**

#### **6.1.1. ICYICIRO CYA MBERE: Ibisobanuro .**

##### **Ingingo ya 136:**

Cyitwa ikigo gishinzwe igenzura ry'imiterere y'ibinyabiziga: ikigo cyose cyemewe na Minisitiri ushinzwe gutwara abantu n'ibintu kandi gikora imirimo yo gusuzuma imiterere y'ibinyabiziga. Bene icyo kigo kigomba kuzuza ibyangombwa bigenwa n'iri teka.

##### **Ingingo ya 137:**

Minisitiri ushinzwe gutwara abantu n'ibintu atanga inyandiko yemerera ikigo gukora imirimo y'igenzura ry'imiterere y'ibinyabiziga amaze gusuzuma ko ibigenwa byose muri iri teka byujijwe.

#### **ICYICIRO CYA KABIRI: Ibisabwa mu kwemererwa**

##### **I. Ibirebana n'abakozi**

##### **Ingingo ya 138:**

*Ikigo gishinzwe igenzura ry'imiterere y'ibinyabiziga kigomba kugira mu bakozi bacyo nibura umwe mu bakozi bacyo wujuje ibi bikurikira:*

**Umugenzuzi:** agomba kuba yaravanye mu mashuri yabizobereyemo ubumenyi buhagije bw'imiterere y'ibinyabiziga.

**Agomba kuba yarakoze nibura imyaka itanu** mu byerekeranye no gukora ari umukanishi wemewe.

- **Agomba kuba ashoboye gusuzuma ikitameze neza** no guteganya ingaruka zacyo kandi agasesengura ibitameze Neza muri rusange ku binyabiziga.
- **Agomba kuba ashoboye kugaragaza mu nyandiko ku buryo busobanutse** ibyo yasuzumye ku miterere y'ibinyabiziga.
- Agomba kuba ashoboye kuyobora no gucunga abakozi akoresha.
- Agomba kuba yarahuguwe mu gihe cy'amezi atatu mu byerekeye igenzura ry'imiterere y'ibinyabiziga harimo amezi abiri yakozwe mu kigo gishinzwe gikora iyo mirimo.

##### **II. Ibirebana n'abakozi**

##### **Ingingo ya 139:**

Ikigo cyose gishinzwe igenzura ry'imiterere y'ibinyabiziga kigomba kugira mu bikoresho bwite ibi bikurikira:  
**A. Urutonde rw'ibikoresho byagenewe gusuzuma ibinyabiziga nyenganda.**